

videre sue originis inicia, ad quantaque temporalium ac spiritualium bonorum, dignitatum, honorum per eundem patronum suum provecta fuerint incrementa. Sed et inpreciables diversarum reliquiarum thesauri quando et a quibus ad venerabile beati Dyonisii monasterium sint translati, declarare intendimus. Hoc enim ad beati Dyonisii gloriam pertinet et honorem. Huius autem¹⁾ partis tercie capitula sicut et in aliis decrevimus premitienda.

Capitula huius libri.

Es folgen 174 Capitelüberschriften, f. 1'—4'. Danach f. 5.

Primum capitulum. Quomodo quidam Troiani qui et postea Franci a Troia recedentes Syncambriam edificaverunt.

Hystoriarum²⁾ quam plurimum³⁾ et antiqua docet auctoritas, regnum Francorum virorum ferocis corporis animique prevalida virtute

Wir lassen noch ein ungedrucktes Capitel, worin von der Uebertragung heiliger Jungfrauenleiber von Köln nach St. Denis handelt wird, folgen.

150. Quomodo istis temporibus trium virginum corpora in ecclesiam beati Dyonisii sunt translata.

Predicti regis Ludovici⁴⁾ temporibus, anno videlicet regni eius 30, Odone secundo monasterio beati Dyonisii presidente, magister Naurardus physicus attulit in ecclesiam Macharii Ariopagite Dyonisii tria corpora trium sanctarum virginum de Colonia Agripina. Iste quidem virgines fuerunt de numero illarum undecim milium virginum, que in Colonia gloriosum pro Christo martyrium compleverunt et ad virginitatis amatorem et sponsum virginum Ihesum Christum cum corona martyrii felices spiritus feliciter transmiserunt. Hec autem sunt nomina: Una vocatur Secunda, altera Pauofreda⁵⁾, tercia Scenibaria⁶⁾. Istarum trium virginum corpora simul involuta cum lapidibus insculptis earum nomina posita sunt in posteriore parte capse eiusdem, in cuius anteriori parte locatum est corpus sanctissime Osmanne virginis, que quondam apud Cenomanenses vitam duxit gloriosam ac Deo dignam. Cuius corpus sacratissimum ante istarum trium virginum delationem fuit ad prefatum monasterium sancti Dyonisii apportatum.

1) 'auf' Hs. 2) Die Initiale fehlt. 3) Danach eine Sylbe ausradiert. 4) VII. dieses Namens. 5) So Hs.; vielleicht 'Panofreda'.
6) So oder 'Sconibaria' die Hs.